

Inatsisartut suleriaasianni § 37, imm. 1 naapertorlugu Naalakkersuisunut apeqquut imaattoq matumuuna saqqummiuppara:

Naalakkersuisunut apeqquutit:

- 1. Naalakkersuisut ilisimatitsissutigisinnaavaat nunaqarfinni isorliunerusunilu ilinniagaqarsimasut qanoq amerlatigisut maanna suliffeqarnerisut najugaqarlutillu?**
 - a. Kisitsisit sapinngisamik najugaqarfinnut, ilinniakkatigut suliaqarfinnut kiisalu pisortani namminersortunilu suliffeqarnermut agguataarneqarnissaat kissaatigineqarpoq.**
 - b. Kisitsisit minnerpaamik ilinniartitsisunut, peqqinnissaqarfimmi sulisunut, isumaginninnermik suliaqartunut kiisalu sanasunut tunngassuteqarnissaat kissaatigineqarpoq.**
- 2. Naalakkersuisut naatsorsuisinnaappat, innuttaasunut pineqartunut ukiumut 25.000 kr.-inik, 50.000 kr.-inik imaluunniit 75.000 kr.-inik nunaqarfinni isorliunerusunilu najugaqarnermut bonusisiuteqartitsisoqassappat, pisortanut ukiumut aningaasatigut kingunerisassat qanoq annertutigissanersut?**
 - a. Naatsorsuinermi aaqqissuussinermik ingerlatsinermut aningaasartuutit sapinngisamik ilanngunneqarnissaat kissaatigineqarpoq.**
 - b. Naalakkersuisut aamma naatsorsuisinnaappat, aaqqissuussineq taarsiullugu assingusumik akileraarutitigut ilanngaateqartitsinertut imaluunniit akileraarutitigut oqilisaassissutitut atuutsinneqassappat, pisortanut aningaasatigut kingunerisassat qanoq annertutigissanersut.**
- 3. Naalakkersuisut ilisimatitsissutigisinnaavaat aaqqissuussinerup taamaattup pisortanut allaffissornikkut qanoq kinguneqarnissaa naatsorsuutigineqarnerisooq?**
 - a. Tassunga qinnuteqaatit suliarineqarnerat, nalunaarsuineq, najugaqarnermut suliffeqarnermullu paasissutissat nakkutigineqarnerat kiisalu bonusip tunniunneqarnera imaluunniit akileraarutitigut suliarineqarnera ilanngullugit.**
 - b. Naalakkersuisut sulisunik qanoq annertutigisumik pisariaqartitsisoqarnissaa pillugu missiliuinissaat kissaatigineqarpoq.**
- 4. Naalakkersuisut naatsorsuisinnaappat nunaqarfinni isorliunerusunilu najugaqarnermut bonusimik imaluunniit akileraarutitigut oqilisaassissummik atuutsitsinerup namminersorlutik inuussutissarsiortunut innuttaasunullu aningaasatigut allaffissornikkullu qanoq kinguneqarnissaa?**
 - a. Inuussutissarsiortunut tunngatillugu aaqqissuussinerup sulisitsisunut allaffissornikkut suliaassanik imaluunniit aningaasartuuteqarnerunermik**

kinguneqarnissaa naatsorsuutigineqarnersoq ilisimatitsissutigineqassasoq kissaatigineqarpoq.

- b. Innuttaasunut tunngatillugu uppersaatit suut kiisalu qanoq allaffissornikkut suliassat pisariaqartinneqarnissaat naatsorsuutigineqarnersoq, aammalu innuttaasup ataatsip aningaasatigut qanoq iluaqutiginissaa naatsorsuutigineqarsinnaanersoq ilisimatitsissutigineqassasoq kissaatigineqarpoq.

(Inatsisartunut ilaasortaq Jens NapātôK', Naleraq)

Tunngavilersuut:

Apeqqutit saqqummiunneqarput nunaqarfinni isorliunerusunilu ilinniagaqarsimasut suliffeqarlutillu najugaqartut bonusimik imaluunniit akileraarutitigut oqilisaassissummik tunineqarsinnaanerannut aaqqissuussinerup aningaasatigut allaffissornikkullu kingunerisassai nalilersorneqarsinnaaqullugit paasissutissanik tunngavissaqartitsiniarluni.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.